

御製避暑山莊三十六景詩

第二冊

萬壑松風

在無暑清涼之南。據高阜。臨深流。
長松環翠。壑虛風度。如笙鏞迭奏。
聲不數。西湖萬松嶺也。

偃蓋龍鱗萬壑青

抱朴子大陵偃蓋之松。大谷倒生之柏。凡此諸木。皆與天

齊其長。地等其久。杜甫題松樹障子歌。陰崖却承霜雪。幹偃蓋反走虬龍形。司馬光詩。倚崖松偃蓋。埤雅。龍八

十一鱗具九九之數。王維詩：閉戶著書多歲月，種松皆作老龍鱗。晉書：顧愷之傳愷之至荊州，人問以會稽山川之狀，愷之云：千巖競秀，萬壑爭流。鮑照登廬山詩：千巖盛阻積，萬壑勢迴縈。李白詩：望極九霄迴，賞幽萬壑通。

逶迤芳甸雜雲汀

淮南子：河逶迤故能遠。馬第伯封禪議記：羊腸逶迤。

名曰環道。高士傳：四皓歌：漠漠高山，深谷逶迤。白居易詩：新澗碧逶迤。謝朓詩：雜英滿芳甸。梁簡文帝詠風詩：飄飄散芳甸，汎漾下蓬萊。許敬宗詩：春暉發芳甸。杜甫詩：鶴下雲汀近。周砥詩：月明吹笛看雲汀。

白

華朱萼勉人事

詩小序：白華，孝子之潔白也。李善文選注：言孝子事父母，亦潔。

已如白華。東哲補亡詩。白華朱萼。被於幽獨。注華萼在林薄之中。若孝子之在衆兄弟中。自然鮮潔。王勃啓。超庭洽訓。共歌朱萼之篇。避席承歡。猶守青箱之業。史記太史公自序。夫春秋上明三王之道。下辨人事之紀。史通堯舜二典。直序人事。禹貢一書。唯言地理。

愛敬南陔樂正經

孝經
愛敬

盡於事親。而德教加於百姓。潘尼安身論。忠肅以奉上。愛敬以事親。可以御一體。可以牧萬民。詩小序。南陔孝子相戒以養也。李善文選注。陔隴也。言南者。南方養萬物。此以戒養。故取之為名。東哲補亡詩。循彼南陔。言采其蘭。注以蘭芬芳。故循陔采之以養父母。高適詩。高堂詠南陔。蘇頲詩。自有長筵歡不極。還將綵服咏南陔。詩

譜序文武之德。光熙前緒。其時風有周南召南。雅有鹿鳴文王之屬。及成王周公致太平。制禮作樂。而頌聲興焉。謂之詩之正經。晉書司馬彪傳。譙周以司馬遷史記書周秦以上。或採俗語百家之言。不專據正經。周於是作古史考二十五篇。皆憑舊典以糾遷之謬誤。宋史選舉志當於正經出題。抱朴子正經為道義之淵海。子書為增深之川流。

萬壑松風

猶是當時傲雪青

公羊傳辟則猶是也。宋書謝靈運傳論標能擅美。獨映當

時。

王維詩當時只記入山深。

楊无咎詞傲雪凌霜。平欺

寒力。攬借春光。曹植臨觀賦

邱陵岨兮松柏青。廖匡淑

詩落盡最高樹。始知松柏青。

孟郊詩仙謠天上貴。林詠雪中青。

重開軒閣俯溪

汀

汀

包佶詩霜徑喜重開。王建詩帝令重開舊閣崇。張協七命承倒影而開軒。阮籍詩開軒臨四野。韋應物詩

畫閣晝開遲日畔。潘岳懷舊賦仰睇歸雲。俯鏡泉

流。李賀詩溪汀眠鷺夢征鴻。輕漣不語細游溶。

廿

年未識門墻奧

說文廿二十并也。古文省。宋之問詩人間都未識。論語夫子之

墻數仞。不得其門而入。不見宗廟之美。百官之富。陶弘景登真隱訣序。未造門墻。何由眄其帷席。北史魏孝文帝紀。帝雅好讀書。手不釋卷。五經之義。覽之便講。學不師受。探其精奧。王令詩。無門隔藩籬。簇罅窺堂奧。

長憶文筵獨

授經

白居易詩。長憶小樓風月夜。姚合詩。長憶青山下。深居遂性情。梁昭明太子與張纘論張緬書。

文筵講席。朝遊夕宴。何曾不同茲勝賞。共此言寄。漢書孔光傳。霸治尚書。宣帝時為大中大夫。以選授皇太子。

經宋史郭贄傳真宗未出閣贄
已授經崇文摠目有授經圖

長憶文苑獨

授經

白石為神其境小樓風月夜城合詩長憶青山

三對懸崇文縣目

亦對懸圖同建碑其此言

懸宋史

順德縣志程未出閣贊中人及以建碑

萬壑松風





松鶴清越

進榛子峪。香草遍地。異花綴崖。夾
嶺。虬松蒼蔚。鳴鶴飛翔。登蓬瀛。臨
崑圃。神怡心曠。洵仙人所都不老
之庭也。

壽比青松願

南昌志建昌冷水觀。壽松一株。盤屈
奇古。黃庭堅天保松銘。勿伐勿敗。祝

聖人壽。于邵畫松讚願主人之此壽。從君子之靜觀。江淹詩青松挺素萼。孟郊詩青松多壽色。杜甫詩青松寒

不落。千齡葉不凋。

淮南子千歲之松。下有茯苓。上有兔絲。述異記千年之松。香聞

十里外。一名十里香。徐陵文千齡壽鶴。或舞松枝。李嶠

詩喬木千齡外。懸泉百丈餘。荀子松柏隆冬而不凋。蒙

霜雪而不變。可謂得其貞矣。嵇康詩遙望山上松。隆冬

不能凋。張宣明詠松詩寒霜十二月。枝葉獨不凋。銅

龍鶴髮健

漢書龍樓門注門樓上有銅龍。若白鶴飛廉之為名也。王勃九成宮頌序銅龍

對雷。接飛瀑而常流。鐵鳳連甍。當驚飈而佇立。賈曾詩銅龍曉闢問安迴。李商隱詩玉壺傳點咽銅龍。歐陽脩

詩鶴髮高堂獻壽觴。蘇

軾詩鶴髮初生千萬壽。

喜動四時調

玉海章騰

郡國開數

千百所之祥。喜動公卿。

上於萬斯年之頌。

朱子壽母生

朝詩今朝喜色動簾幃。

楊萬里文

四時調於玉燭五星

協於

珠囊。

松鶴清越

白鶴志猶潔

列仙傳乘白鶴住山巔。參同契御白鶴駕龍鱗。張衡西京賦挂白鶴聯飛。

龍相鶴經體尚潔。故其色白。史記屈原傳讚其志潔。其行廉。唐太宗詩心隨朗日高。志與秋霜潔。

蒼

松獨後凋

張說詩蒼松虎徑深。鮑溶詩蒼松含古貌。楊萬里詩故人書札照蒼松。論語歲

寒然後知松柏之後凋也。王褒尉遲綱碑危松擢本。且觀後凋之質。孫綽詩攀松羨後凋。

景仰

終身慕

詩高山仰止。景行行止。金史熙宗紀使萬世景仰貢奎同馬伯庸止酒詩嗟我重景

仰。孟子大孝終身慕父母。李德林立寺建碑詔空切欲報之心。徒有終身之慕。宋史樂志皇心追慕思無極。

詎止溫清調

禮冬溫而夏清。管子夏之就清。冬之就溫。北史薛寔傳至於溫清之

禮。朝夕無違。陸游居室記休息取調節氣血。沈遼詩幽巖就調攝。